

*Frigida,
& sicca
secundo
ordine.*

SYLVIVS. Quænam sunt frigida, & sicca secundo ordine?
THEODORUS. *Acetosa, rumex, sive Oxalis*, cordi præcipue consecratur.

*Hort. Med
part. 2.
c. 18.*

Berberi: Oxyacanthæ fructus, cordi, & hepatis familiares.
Cichorium, item *Endivia*; amaris *Intyba fibris*: hepatis singulariter consecrata.

Fragaria: bilem ferocientem, & abundantem præcipue domat.

Pentaphyllum: Tormentillæ vires æmulatur.

Plantago, Arnoglossum: Hepati singulariter conveniens.

Prunella, consolida minor: Bilis utriusque fervorem, acrimoniam, & malignitatem compescit.

Pulmonaria: putredini obsistens, & pulmonibus sacra.

Ribes: serpentem putredinem inhibent, ac bilis ferocientis impetum frænant,

*Hort. Med.
par. 2. c. 17*

Rosa, rubra, & alba, tam hortenses, quam agrestes: cordi peculiariter dicata, bilis impetum inhibent.

*Frig. &
sicca 3. ordi-
ne.*

SYLVIVS. Quænam sunt frigida, & sicca tertio ordine?

THEOD. *Santalium*: Hepati sacrum.

Tormentilla: torminibus, venenis, pestique inimica.

Caphura: frigida, & sicca quarto ordine: cuius deleteria qualitas aut convenienter corrigenda, aut separanda.

*Frigida
primo, &
humida
secundo
ordine.*

SYLVIVS. Quænam sunt frigida primo, & humida secundo ordine?

THEOD. *Tussilago*: pectori, & pulmone singulariter amica: fervorem humorum ferocientium obtundit.

Viola purpurea, sive Martia, cordi, & cerebro gratissimæ.

Nymphaea alba: frigida, & humida secundo ordine: Hepati sacra est.

Sedum, sive sempervivum: frigidum tertio, & siccum secundo ordine: bili ferocienti adversum.

SYLVIVS. Hactenus pleraque simplicia Vegetalium Solaria, & Balsamica.

APOLLONIUS.

O Sylvam herbarum, Solis Virtute potentum!

O quanta auricomis formosi in floribus horti,

O quanta arboreis Virtus in fœtibus exstat!

AURELIUS.

Si nunc se nobis ille aureus arbore Ramus

Ostendat, nemore in tanto!

APOLLONIUS.

Quem dicis ramum? tibi qui suspiria cordis

Alta

*Digressio
ad materiam
Medicinæ
Hermeti-
cæ, omniū
maximæ
Solaris.*